

儒
林
傳
稿

儒林傳稿序

昔周公制禮太宰九兩繫邦國三日師四曰儒復於司徒本俗聯以師儒師以德行教民儒以六藝教民分合同異周初已然矣數百年後周禮在魯儒術爲盛孔子以王法作述道與義合兼備師儒顏曾所傳以道兼藝游夏之徒以藝兼道定哀之間儒述極醇無少差繆者此也荀卿著論儒術已乖然六經傳說各有師授泰奔儒籍入漢復興雖黃老刑名猶復淆雜迨孝武盡黜百家公卿大夫士吏彬彬多文學矣東漢以後學徒數萬章句漸疏高名善士半入黨流迄平晉魏儒風盡已衰

矣司馬班范皆以儒林立傳敘述經師家法授受秩然
雖於周禮師教未盡克兼然名儒大臣匡時植教祖述
經說文餘章疏皆與儒林傳相出入是以朝秉綱常士
敦名節拯衰銷逆多歷年所則周禮儒學之效也兩晉
立學盛興儒道衰弱南北割據傳授漸殊北魏蕭梁義
疏甚密北學守舊而疑新南學喜新而得偽至隋唐五
經正義成而儒者鮮以專家古學相授受焉宋初名臣
皆敦道誼濂洛以後遂啟紫陽閩發心性分析道理孔
孟學行不明著於天下哉宋史以道學儒林分爲二傳
不知此卽周禮師儒之異後人剖分而閤合周道也元

明之簡守先敬後在於金華洎乎河東姚江門戶分歧
遞興遞滅然究不出朱陸而已終明之世學者百出而
經訓家法寂然無聞揆之周禮有師無偏空疏甚矣然
其間臺閣風厲持正扶危學士名流知能激發雖多私
難取傷國體然其正道實拯世心是故兩漢名教得偏
經之功宋明講學得師道之益皆於周孔之道得其分
合未可偏譏而互誦也我

朝

列聖道德純備包涵前古崇宋學之性道而以漢儒經
義實之

聖學所指海內嚮風

御纂諸經並收歷代之說 四庫館開風氣益精博矣
國初講學如孫奇逢李容等沿前明王薛之派陸隴其
王懋竑等始專守朱子辨僞得真高愈應揭謙等堅苦
自持不愧實踐間若戴胡渭等卓然不惑求是辨訛惠
棟戴震等精發古義詁釋聖言近時孔廣森之於公羊
春秋張惠言之於孟虞易說亦專家孤學也且我
朝諸儒好古敏求各造其域不立門戶不相黨伐束身
踐行闡然自修嗚呼周魯師儒之道我

皇上繼

列聖而昌明之可謂兼古昔所不能兼者矣綜而論之
聖人之道譬若宮牆文字訓詁其門逕也門逕苟誤跬
步皆歧安能升堂入室乎學人求道太高卑視章句譬
猶天際之翔出於豐屋之上高則高矣戶奧之間未實
窺也或者但求名物不論聖道又苦終年寢饋於門廡
之間無復知有堂室矣是故正衣尊視惡難從易但立
宗旨卽居大名此一蔽也精校博考經義確然雖不踰
閤便於出入此又一蔽也臣等備員史職綜輯儒傳未
敢僭分門逕惟期記述學行自順治至嘉慶之初得百
數十人仿明史載孔氏於儒林之例別爲孔氏傳以存

史記孔子世家之意至若熊錫履湯斌陸隴其等已入
大臣傳茲不載焉臣阮元

儒林傳稿凡例

史漢始記儒林宋史別出道學其實講經者豈可不立
品行講學者豈可不治經史強爲分別殊爲偏狹
國朝修明史混而一之總名儒林誠爲盛軌故今理學
各家與經學並重一併同列不必分歧致有軒輊
各儒以

國初爲始若明人而貳仕於

國朝及行止有可議者皆不得列入

國朝百餘年來

聖化所涵學人輩出天下之大山林之僻學者萬于今

僅列百數十人雖示謹嚴恐有掛漏如同館諸友所見者不妨酌補

次序以顧棟高爲始者因

高宗純皇帝諭辦儒林傳奉爲緣起也此外則以年分相次

凡各儒傳語皆採之載籍接續成文雙注各句之下以記來歷不敢杜撰一字且必其學行兼優方登此傳是以多所褒許以見我

朝文治之盛至於著述醇疵互見者亦直加貶辭此外私家狀述涉於私譽者謹遵館例一字不錄至於各句

雙注將來進呈

御覽時應否刪去候總裁核定

唐曹憲在隋曾爲秘書學士唐貞觀中以宏文館學士
召不至卽家拜朝政大夫入唐書儒林傳元金履祥當
宋末襄樊兵急履祥請以重兵由海道直趨燕薊莫能
用元德祐初起爲史館編校辭弗就入元史儒林傳
欽定續通志儒林傳能禾宋咸淳進士寧武州司戶叅
軍入元不仕胡三省宋寶祐進士入元不仕馬端臨宋
丞相廷鸞子陸丞仕郎宋亡入元不仕皆蒙

欽定列入元代儒林傳今查湖南王夫之前明舉人在

桂王時曾爲行人司行人浙江黃宗羲前明布衣魯王時曾授左僉都御史明亡入我

朝皆未仕著書以老所著之書皆蒙收入

四庫列爲

國朝之書

四庫全書提要內多褒其書以爲精核今列於儒林傳中而據實書其在明事蹟者據歷代史傳及

欽定續通志例也

國朝修明史儒林傳末列孔顏曾孟傳者用史記孔子世家例也曾孟程朱後人有名而多著述者未得其人

應俟加訪

滿洲蒙古漢軍凡有學行者太約皆已登三品以上其
官職未顯者甚少然亦必有其人此傳已專屬編修陳
公傳經采訪搜集矣俟爲補入

傳中事蹟年月恐有舛錯文理序述不免差謬仍乞館
中諸友詳加校對始爲定稿元匆匆交出竄未及細審
不可恃也

嘉慶壬申八月漕運總督阮元交出前在翰林院侍講
任內撰稿

儒林傳稿目錄

顧棟高

陳祖范

吳鼎

梁錫璵

孫奇逢

魏一鰲

耿介

李容

王心敬

李因篤

黃宗羲

宗炎

王夫之

陳大章

劉夢鵬

高愈

顧樞

刁包

彭定求

謝文淳

彭任

顧炎武

張昭

吳任臣

胡渭

顧祖禹

惠周惕
士奇 棟 江聲

閻若璩
李鍾

毛奇齡
陸邦烈

應撝謙

陸世儀
沈昉 張履祥 沈國模

嚴衍

萬斯大
斯同 斯逵

潘天成
顏元

曹本榮

李塨

梅文鼎 王錫闡 談泰

薛鳳祚

陳厚耀

王懋竑

張爾岐 馬驥 桂馥

錢澄之 方中通

沈彤 蔡衡 晉 盛世佐

朱鶴齡 陳啟源

臧琳 庸

劉源浚 閻循觀

范鎬鼎

邵廷采

邵晉涵

周永年

徐文靖

任啟運

李光坡

鍾倫

全祖望

江天

江綬

金榜

朱筠

錢大昕

塘

王鳴盛

戴震

凌廷堪

盧文弨

孫志祖

丁杰

武億

任大椿 李惇 劉台拱 汪中 等

孔廣森

張惠言

孔興燮 孔鏡圻 孔傳鏞 孔廣聚 孔昭燠
孔憲培 孔繼涵 顏光祿 等

以上共傳四十四篇附傳五十餘人

顧棟高傳

陳加范

吳鼎

梁錫璣

臣謹案乾隆三十年九月十五日

勅修

國史

上諭內有曰且如儒林亦史傳之所必及果其經明學粹雖韋布不遺又豈可拘於品位使近日如顧棟高輩終於淹沒無聞耶諸臣其悉心參考按次編纂以備一代信史臣等今纂儒林傳及於顧棟高陳祖范等敬錄聖諭冠於傳首庶仰見

纂修傳史表著寒儒之至意

顧棟高無錫人字震滄文字復初康熙六十年進士授內閣中書舍人雍正時引

見以奏對越次罷職

鄭一桂撰棟高墓志

乾隆十五年

特詔內外大臣薦舉經明行修之士明年於所舉中核其名實允孚者得四人則陳祖范顧棟高吳鼎梁錫璣也得

旨皆授國子監司業棟高以年老不任職賜司業銜

皇太后萬壽棟高入京祝

嘏

特賜召見

賜七言律詩二章二十二年

南巡召見行在

賜祭酒銜

賜御書傳經者碩四字二十四年卒於家年八十一歲

提要詞林典故潛學堂集第一桂詒鄒方謬狀所學合宋元明諸儒門逕而一

之援新安以合金谿爲調停之說著大儒粹語二十八

卷又著春秋大事表百三十一篇條理詳明議論精核

多發前人所未發毛詩類釋二十一卷采錄舊說發明

經義頗爲謹嚴其尙書質疑一卷多據臆斷不足以言

心得大抵棟高窮經之功春秋爲最而書則用力少也
提陳祖范常熟人字亦韓雍正元年舉人四庫經其秋
禮部中式忽足蹇不得與

殿試歸里明年補行正科亦不赴

廷對於是僦屋華漚之濱櫺戶讀書居數年有

詔天下設書院以教士大吏爭延爲師訓課有法或一
二年輒辭去曰士習雖醇師道難立且此席似宋時祠
祿仕而不遂者處焉吾不求仕而久與其列爲汗顏耳
乾隆十五年薦舉經學祖范哀然居首以年老不任職
卽家拜

命又三年卒於家年七十有九所撰述有經咫一卷

詞林

典故錢大昕潛研堂集

膺薦時錄呈

御覽四庫書

文集四卷詩集四卷掌錄二卷祖范於學

務求心得不喜馳騁其說與古人爭勝尤恥剽襲成言

以為己有其論易不取先天之學

潛研堂集

論書不取梅賾

論詩不廢小序論春秋不取義例論禮不以古制違人

情皆通達之論

提要

同縣顧主事鎮傳其學

潛研堂集

吳鼎金

匱人字尊葵乾隆九年舉人以薦舉經學補授司業擢

翰林院侍講學士降補侍講所撰有易例舉要二卷十

家易象集說九十卷袁朱俞琬元龍仁夫明來知德等

十家易說以繼李鼎祚董楷之後其東莞學案則專攻
陳建學部通辨作也提要鼎兄鼐亦通經深於易三禮周禮
志梁錫璵介休人字確軒雍正二年舉人以薦舉經學
授司業後與鼎同食俸辦事不爲定員歷官祭酒少詹
事膺薦時以所撰易經授一呈

御覽鼎錫璵並蒙

召對面奉

諭旨云汝等以經學保舉朕所以用汝等去教人大學
士九卿公保汝等是汝等積學所致不是他途倖進鼎
錫璵奏臣等草茅下士學識荒陋蒙

皇上格外天恩臣等不勝惶恐復奉

聖訓云窮經爲讀書根本但窮經不徒在口耳須要躬行實踐汝等自己躬行實踐方能教人躬行實踐鼎錫璵璠首祇謝又奉

諭吳鼎梁錫璠所著經學著派翰林二十員中書二十員在武英殿各繕寫一部進呈原書給還本人筆札給之於官梁詩正劉統勳董理其事詞林典故

孫奇逢傳

魏一鰲 耿介等

孫奇逢字啟泰又字鍾元容城人父不振明諸生湯斌逢奇逢早年潛心濂洛之書以孝親敬長爲根基以

存誠慎獨爲持要

湯斌文集

與定興鹿善繼一室默對以聖

賢相明順治初祭酒薛所蘊以讓賢薦長成均奇逢以

病辭居河北輝縣之夏峰閣兼山堂讀易其中率子弟

耕稼自給遠邇求學者衆闔門內外肅穆有條理賢者

悅其誠不賢者服其化其學以體認天理爲宗以日用

倫常爲實際以天理二字非語言文字可擬故言心卽

在事見言已卽在人見言高遠在卑邇見言上達在下

學見不敢將就冒認惟是慎獨而已

湯斌集墓志

孫徵君年譜

著讀易大旨五卷奇逢學易於雄縣李對至蘇門年老乃撮

其體要以示門人子弟發明義理切近人事以象傳通

一卦之旨山一卦通六十四卦之義其生平之學主於

實用故所言皆關法戒四庫提要理學傳心纂要八卷錄周

子二程子張子邵子朱子陸九淵薛瑄王守仁羅洪先

顧憲成十一人以爲直接道統之傳提要又著尚書近指

聖學錄兩大案錄乙丙紀事孫文正公年譜歲寒居文

集答問日誥畿輔人物考中州人物考孝友堂家規規

湯誤作乘四禮酌楊集墓志奇逢之學盛於北與李容黃宗義鼎

足行誼不愧古人陸隴其松陽講義四庫提要結倚亭集年踰耆耄著書

未輟康熙十四年年九十二卒河南北學者祀之於百

泉書院奇逢少慷慨有志年十七舉於鄉居父母憂廬

墓六年時左光斗魏大中周順昌見奇逢皆與定交孫
承宗督師開門庇善繼爲監軍約奇逢往遊居三月辭
歸天啟末左魏周相繼逮繫奇逢謀與善繼父鹿正同
遣人持書往關門告難於承宗承宗請覲魏忠賢懼清
君側遠御床哭詔止承宗獄益急光斗認坐贓奇逢與
鹿正倡議醵金設厠於門曰願輸金救左督學者聽於
是諸生爭應之得金數千左旣考死奇逢俵散之不畏
闕知崇禎戊辰舉孝行建坊旌表丙子容城被圍與士
民力禦得全兵部尙書范宗文聘贊軍務辭不就攜家
入易州五峰山順治三年居新安縣七年居輝縣之蘇

門明史孫承宗左光才應善繼傳又見弟子錯趾於戶

新安魏一鰲清苑高鑄范陽耿極等從遊最早一鰲

三十餘年思難與共一鰲白山右歸構雪亭於夏峰白

雪盈山孤燈午夜故及門問答一鰲為多湯集雪亭奇

逢命一鰲輯北學編孫徵君年譜睢州湯斌登封耿介皆慕

奇逢斌由江西告養歸既除喪從之遊提要堯躬行實

踐徒步梁宋間居易錄奇逢命踐輯洛學編孫徵君年譜斌之

學於蘇門也根柢在姚江而能持朱陸之平湯子遺稿

在大臣傳耿介字介石初名冲璧讀北山移文至耿介

拔俗之句遂更名介順治八年進士四庫提要翰林院檢討

出爲福建巡海道築石城以防盜除弊戒貪康熙元年
轉江西湖東道因改官制除直隸大名道直隸多旗逃
案介不牽無辜民感之丁母憂服除不出謂蘇門受業
於孫奇逢執弟子禮甚堅篤志躬行興復嵩陽書院
編續孫徵君年譜二十五年尙書湯斌疏薦介踐履篤實永蘄

自矢

召爲少詹事輔導皇太子介老儒拘謹會斌被劾介引
疾乞休詹事尹秦等劾介詐疾並劾斌不當薦介等

予假歸卒

汪琬魏峰文鈔湯斌文所著有中州道學編

性理要旨

四庫提要孝經易知湯斌文集理學正宗大旨以朱子

爲宗四庫提要中州講學者有儀封張伯行柘城寶克勤上

蔡張沐等皆與斌介同時洛學續編江陵漆士昌亦從講學

士昌補理學心傳列奇逢於顧憲成後爲古今第十二

入醇儒若董仲舒等猶不得有隨於後未免東林標榜

之餘風矣疑

李容傳王心敬李因篤

李容名避字中孚藍屋人布衣又字二曲者水曲

日蓋山曲日屋也四書反身錄提要容幼起孤根歸琦亭集安貧改

過范錫鼎二曲集序以理學倡導關中池北偶談其所自得不滯於

訓詁文義曠然見其會通歸琦亭集康熙十八年薦舉博學

鴻詞提疾驚不出湖北詩昇床至省水漿不入口乃

得予假嘆曰平生道學不純洗心不密不能自晦也結

亭自是閉關宴息土室反身錄惟吳中顧炎武至則欵之

故炎武曰堅苦力學無師而成吾不如李中孚亭

師編四十二年按是年癸未四庫提

聖祖仁皇帝西巡

召客見時容已衰老遣子慎言詣

行在陳情以所著四書反身錄二曲集奏進

上特賜御書操志高潔以獎之反身錄提要又結

不容謂孔曾思孟立言垂訓以成四書蓋欲學者體諸

身見諸行充之爲天德達之爲王道有體有用有補於世否則假途干進於世無補夫豈聖賢立言之初心

國家期望之本意耶于是恒居教人一以反身實踐爲

事門人錄之爲七卷

提要

是時客城孫奇逢之學盛於北

餘姚黃宗羲之學盛于南與客鼎足

松陽講義提要結埼亭集

平湖

陸隴其皆不以爲然隴其一生精力盡於朱子於姚江

一派如分黑白不肯假借一

詞義松陽講義提要

客謂大學明德

與良知無分其學亦出姚江

反身錄提要

故論朱陸二家曰

學者當先觀象山慈湖陽明白沙之書闡明心性直指

本初然後取二程朱子以及康齋敬軒涇野整庵之書

以盡踐履之功以悔過自新為宗旨容之先世無達者

父可從為材官崇禎十五年從汪喬年討賊敗死之容

年十六

按二曲集父忌日祭文康熙二十七年容自稱六十二歲推知十六也

母彭氏言

忠孝節義以督之飢寒清苦無所憑藉容自拔流俗以

昌明關學為已任有餽遺者雖十反不受或曰交道接

禮孟子不卻答曰我輩百不能學孟子即此一事不守

孟子宗法正自無害嘗一主關中講院既而悔曰錯也

亟去之初容父從軍臨發決一齒與容母曰如不捷吾

當委骨子善教兒矣容母葬其齒曰齒塚以待合葬母

卒康熙九年免喪始徒步之襄城覓遺骨不得服斬衰

晝夜哭乃設招魂之祭知縣張允中爲其父立祠且造
塚戰場又爲義林遍及五千國殤以慰孝子之心常州
府知府駱鍾麟帥事容謂祠未能旦夕竣請容南下謁
道南書院且講學以慰東林學者之望容赴之凡講於
無錫於江陰於靖江於宜興講者雪集不得休息忽悔
曰不孝汝此行何事而喋喋於此雖見顧高何益卽成
行還裏城祠成奉招魂之主取冢土西歸告母墓附齒
塚中鮑琦亭集及二曲詩集晚年因兵氛寓富平門人鄆縣王心
敬字爾祉自壬戌卽傳容學二曲集二十二卷皆心敬
所撫次見二曲本集心敬乾隆元年舉賢良方正老病不赴

京提所著有豐川集闕學編豐川易說四庫提要心敬論學

以明新止至善為歸豐川續集陳宏謀序謹嚴不逮其師注經好

為異論而易說為篤實其言曰學易可以無大過是孔

子論易切於人身即可知四聖之本旨豐川易說提要李因篤

字天生富平人鶴徵博學強記貫穿注疏王士禛池北偶談康

熙間

詔舉博學鴻詞因篤夙負重名公卿交薦潘耒李天以

母老辭敦促入都

召試授翰林院檢討纂修明史鶴徵未逾月上疏乞終

養歸母沒仍不出朱彝尊經義與藍屋李容涇陽李念

慈稱關中三李因篤深經學著詩說顧炎武稱之曰毛

鄭有嗣音矣著春秋說汪琬亦折服焉鶴徵錄

黃宗羲傳宗炎等

黃宗羲字太冲餘姚人浙江通志奉母里門畢力著述船埼亭集

緼被土鑪帷鐙丙夜今世說康熙戊午詔徵明學鴻儒掌

翰林院學士葉方謁欲薦宗羲宗羲辭庚申都御史徐

元文監修明史薦宗羲宗羲復以母老已病辭乃

詔取所著書關史事者宣付史館通志船埼亭集庚午

上訪及遺獻刑部尚書徐乾學以宗羲對且言曾經元

文薦不能來然宗羲雖病而史局大案必資之宗羲謂

明人講學襲語錄之糟粕不以六經爲根柢束書而從
事於遊談故問學者必先窮經經術所以經世不爲迂
儒之學必兼讀史又謂讀史不多無以證理之變化多
而不求於心則爲俗學歸墟故上下古今穿穴羣言自
天文地志九流百家之教無不精研通志所著易學象數
論六卷宗義謂聖人以象示人者七有八卦之象六爻
之象象形之象爻位之象反對之象方位之象互體之
象後儒之爲偏象者四納甲也動爻也卦變也先天也
乃崇七象而斥四象又謂遁甲太乙六壬世傳三式皆
主九宮以參人事乃以鄭康成太乙行九宮法證太乙

以吳越春秋占法國語伶州鳩之對證六壬以訂數學

其持論皆有依據

四庫提要

孟子師說二卷以其師劉宗周

於論語大學中庸皆有成書獨闕孟子乃述其所聞聞

發良知之旨推究事理不爲空疎無用之談亦不盡主

姚江之說文集則有南雷文案吾悔撰杖屨山諸集及

詩集後又分爲南雷文定晚年爲文約

船琦亭集

今共存南

雷文定十一卷文約四卷又著明儒學案六十二卷敘

述明代講學諸儒流派分合得失頗詳明文海四百八

十二卷閩明人文集二千餘家典章人物一代淵藪又

撰養考一卷今水經一卷四明山志九卷歷代甲子考

一卷二程學案二卷提要史學則欲輯宋史而未就僅存

叢目補遺三卷輯明史案二百四十四卷結崎亭文集其明

史有三例一國史取詳年月二野史取當是非三家史

備官爵世系明史稿出於萬斯同斯同之學出於宗義

也許宗彥說見續經籍志天文則有大統法辨四卷時憲書法解

新推交食法一卷圖解一卷割圓八纘解一卷授時法

假如一卷西洋法假如一卷回回法假如一卷通志其後

梅文鼎本周髀言天文世襲為不傳之秘而不知宗義

實開之晚年又輯宋儒學案元儒學案合之明儒學案

以誌七百年儒苑門戶宗義之學出於莪山結崎亭集聞誠

意慎獨之說

通鑑

密平實

文陽武

父尊素明御史尊素與

楊漣左光斗听夕過從宗義得盡知朝局清濁之分尊

素死詔獄宗義養其祖以孝聞夜讀書悲鳴嗚然哭明

莊烈帝卽位宗義年十九草疏入京訟冤至則逆奄已

誅與奄黨曹欽程等對簿袖鐵椎椎許顯純流血復偕

同難子弟哭祭於詔獄中門拔崔應元之鬚歸祭父主

戊寅宜興陳貞慧等作南都防亂揭天啟被難諸家子

弟推宗義爲首甲申里中奄黨糾劉宗周並及宗義

大清兵至得免宗周死節宗義隨孫嘉績熊汝霖諸軍

於江上授職方尋以薦改監察御史江上潰入四明山

復入剡中己丑赴海上明魯王以爲左僉都御史從亡
有年及海氛漸滅乃歸里奉母以老紹興府知府李鐸
欲以宗義爲鄉飲大賓

鮑琦亭集

宗義遺書曰宗義蒙

聖天子特旨召入史館庶人之義召之役則往役筆墨
之事亦役也宗義時以老病堅辭不行

聖天子憐而許之今之鄉飲酒亦奉

請以行者也若召之役則避勞而不往召爲賓則食養

而飲食衎衎是爲不忠卒辭之

南甯文定

宗義受業蕺山時

頗爲氣節一流人所得尙淺患難之餘始多深造於是

胸中窒礙爲之盡釋而追恨爲過時之學蓋不以少年

之功自足云乙亥年八十六卒

結府亭集

弟宗炎宗會並負

異才有三黃之目宗炎字晦木著周易象辭二十一卷

尋門餘論二卷圖書辨惑一卷力闢陳搏之學謂周易

未經秦火不應獨禁其圖轉為道家藏匿二千年至搏

始出

提要

其學術大畧與宗義等而昇岸幾過之

結府亭集

百家字主一傳宗義學又從梅文鼎問推步法著勾股

矩測解原二卷

勾股矩解原康熙中徐乾學延之修明

勿算算書曰

史通

王夫之傳

陳大章

劉夢鵬

王夫之字而麓又字薑齋衡陽人前明崇禎壬午舉人

西庫提要誤刊以張獻忠陷衡州設偽官招夫之夫之
為漢陽人今改正

走匿南嶽賊執其父為質夫之引刀自刺肢體昇往易

父賊見其徧創也免之父子俱得脫明桂藩在肇慶瞿

式耜薦之為行人司行人旋以母病歸衡山居石船山

杜門著書神契張載正蒙之說演為思向錄內外二篇

余廷燦船又其所著書有周易稗疏五卷書經稗疏四

卷詩經稗疏四卷其言易不信陳搏之學亦不信京房

之術於先天諸圖緯書雜說皆排之甚力而亦不空談

元妙附合老莊之旨故言必徵實義必切理於近時說

易之家為最有根據其說尚書詮釋經文亦多出新意

有失之太鑿者然辭有根據不同游談雖醇疵互見而
可取者多其說詩辨正名物訓詁以補傳箋諸說之遺
皆確有依據不爲臆斷又叶韻辨一篇持論明通足解
諸家之膠轕夫之又著尚書引義春秋稗疏春秋家說
四庫康熙間吳逆在衡湘夫之又逃入深山吳逆平巡
撫嘉之餽粟帛請見夫之病辭帛受粟未幾卒余延湖
南北說經者後有陳大章劉夢鵬大章字仲葵黃岡人
康熙二十七年進士翰林院庶吉士深于毛詩著詩傳
名物集覽十二卷徵引既衆可資博覽四庫夢鵬字雲
翼歙水人乾隆十六年進士官饒陽知縣著春秋義解

十二卷大旨推本公穀自謂公穀比事屬辭義不詭於

儒者其斥左氏持論甚辨

四庫提要

高愈傳 顧樞 刁苞 彭定求等

高愈字紫超無錫人明高攀龍之兄孫也十歲讀攀龍遺書卽有向學之志旣壯補諸生日誦遺經及先儒語錄儼言行嚴取舍之辨不尙議論嘗曰士求自立須自不忘溝壑始事親孝居喪不飲酒食肉不內寢晚年窮困餒殍七日矣方挈其子登城眺望充然樂也儀封張伯行巡撫江蘇延愈主東林書院講會愈以疾辭平居體安氣和有忿爭者至愈前輒愧悔鄉人素好以道學

相詆訐獨於愈愈曰君子也顧棟高嘗從愈游說經

媿忘倦年七十八卒嘗撰朱子小學注顧棟高撰傳載東林書院志又

見二林又所著有讀易偶存春秋經傳日抄春秋類春

秋疑義周禮疏義儀禮喪服或問小峴文集東林顧高子弟

顧樞高世泰等入

國朝尚傳其學初世泰為攀龍從子少侍講席晚年以

東林先緒為己任葺道南祠麗澤堂於梁谿一時同志

恪遵遺規祁州刁包等相與論學學者有南梁北祁之

稱大學士熊錫履講學亦出世泰門下儀封張伯行平

湖陸隴其亦嘗至東林講學錫履伯行隴其皆在大臣

傳歛人汪學聖者援儒入禪既至東林乃悟前非徽州汪知默陳二典胡開汪佑吳慎朱宏施璜輩講朱子之學於紫陽書院因汪學聖以問學於東林於是更定紫陽通志錄熊錫履撰高萊旂傳又見東林書院志顧樞字所止又字庸庵明顧憲成之孫天啟舉人從高攀龍講求性命人

國朝屏居歛跡不入城市不赴講會淹貫五經尤深書易晚爲易稿折衷衆說不尚文辭心體躬行而已嘗曰吾祖於易最精獨無著述小子可妄穿鑿乎嘗論明儒服膺薛胡而謂陳王未免少差又曰端文主無欲忠憲主格物並直接宋儒其議論皆醇正刁包字蒙古祁州

人明天啟舉人有志聖賢之學流賊掠畿西至祁州包

散財糾衆城得不破已而李自成以僞命趣之起拒之

幾及禍初聞孫奇逢講良知之學心向之既讀高攀龍

書大喜曰不讀此書幾虛過一生爲主奉之或有過差

或稍懈卽跪主前自訟居父喪哀毀須髮盡白三年不

飲酒食肉不內履及母卒號慟嘔血病數月卒

東林書院志局

世泰所著有易酌四書翊注潛室劄記用六集皆本義

理明白正大又選斯文正統十二卷專以品行爲主若

言是人非雖絕技無取

四庫書提要

朱用純字致一崑山人

父集璜死用純閒居味道以諸生老其學確守程朱知

行並進而一以主敬爲程長洲徐枋遁迹歸巖志道完
篤湯斌爲巡撫訪之不得見歎息而去用純與之爲通
家友屢以書問學康熙十八年或欲以博學鴻詞薦固
辭免弟子甚衆用純患學者空言無實所講多反躬自
責言多痛切年七十二將卒顧弟子曰學問在性命事
業在忠孝勉之著愧納集及大學中庸講義愧納集彭南昭文集
吳慎字薇仲歙縣諸生讀書盡心於孔曾思孟宋五子
著書三十餘種其行世者有周易粹言大學中庸章句
翼論學以敬爲主故號敬庵初遊無錫時東林書院尙
守懷麓堂法慎與其鄉人歙汪燧休寧施璜無錫張夏

等同受業於高世泰升堂開講威儀儼然已而歸歛會
講紫陽還古兩書院興起者衆夏字秋紹初受業於馬
世奇已而入東林其爲學先經後史博覽強記而歸本
自治世泰歿竝推夏主講席巡撫湯斌至東林與夏論
學邀至蘇州學宮講孝經小學退而著孝經解義小學
滄注又著雒閭源流錄年八十餘卒

東林書院志
道古堂集

向璿

字荆山山陰人年二十餘居母喪始觀性理書一日讀

孟子云人之所以異於禽獸者幾希瞿然曰吾其遂甘

於禽獸乎切已悔過乃從王行九請業行九者王守仁

之裔方講致良知之學璿學之六七年已讀程朱書忽

自疑又讀高攀龍年譜遂舍其所學一以程朱爲宗著

志學錄雍正九年卒同里門人黃良輔程登泰傳其學

志學錄二顧培字昀滋無錫人少從宜興湯之錡學懽

然悔曰道在人倫庶物而已之錡歿有弟子金徹培築

其學山居以延徹晨夕講習遵攀龍靜坐法以整齊嚴

肅爲入德之方默識未發之中篤守性善之旨晚歲四

方來學者衆巡撫張伯行謂東林講學頗疑靜坐之說

培往復千言暢高氏之旨華希閔撰傳錢民字子仁嘉

定人題所居曰存養廬宴坐反觀日有省發陸隴其知

嘉定縣民從之論學又五年往平湖見之隴其與之語

多不合怪其所由民曰公從朱子人民從尼父入耳民

曰求孔孟之實而紛紛焉爭朱陸之異同是謂禁人之

山

潛學堂集
二林居集

朱澤澤字湘陶寶應人居敬窮理一遵朱

子所著有朱子聖學考畧止泉文集

四庫提要

二林居集嘗曰尊

德性莫如朱子道問學亦莫如朱子彼執尊道分途爲

早晚異同之論者豈知朱子者哉嘗講道錫山通書關

中皆闡明朱學歿後學者祀之於東林道南祠

東林書院志

潘恬如字克先長洲諸生與彭定求友學其學切於內

省聲光闢然以師道爲鄉里推重彭定求字勤止又字

南陶長洲人父瓏授以梁谿高氏之學又嘗師事湯斌

康熙二十五年一甲一名進士授翰林院修撰歷官國
子監司業翰林院侍講充日講起居注官前後在翰
林才四年卽歸里不復出閒居謝客研味宋明先正遺
書清聖堂集作高望吟七章以慕七賢七賢者白沙陽明東
廓念庵梁谿念臺漳浦也又著陽明釋毀錄儒門法語
南响文集嘗與門人林雲翥書云有願進於足下者有
二一曰無遽求高遠而畧庸近于臣弟友君子之道至
聖以爲未能庸德庸言至聖以有餘不足爲斤斤孟子
以堯舜之道孝弟而已然則舍倫常日用事親從兄之
事不爲而鉤深索隱以爲聖人之道有出於人心同然

之外者必且流於異端堅僻之行矣一曰無妄生門戶
異同之見滕口說而遺踐履未子之會於鷺湖也傾倒
於陸子義利之說此陽明拔本寒源之論致良知之指
一脈相承其因時救弊乃不得已之苦衷非角人我之
見僕諷詠遺經蕩滌瑕滓因有儒門法語足下有志聖
賢當以念臺劉子人譜證人會一書入門且無曉曉於
紫陽姚江之辨也定求卒年七十有八潛筆堂集羅有高狀其孫
啟豐官兵部尙書在大臣傳啟豐子紹升頗傳家學述
儒行有二林居集見本集然彭氏學兼朱陸識兼頓漸啟
豐紹升頗入於禪四庫提要儒門法語二林居集休寧戴震移書紹升

辨之戴氏遺書紹升又與吳縣汪縉共講儒學縉著三錄二

錄尊孔子而游乎二氏此後江南理學微矣見汪氏遺書

謝文海傳彭在

謝文海字秋水父字約齋南豐人四庫提要明季諸生

年二十餘入廣昌之香山閱佛書學禪既讀龍溪王氏

書復讀陽明書自信益篤遂與諸友講陽明之學年四

十會講於新城之神童峰有王聖瑞者力攻陽明文海

與爭辯累日爲所動取羅整庵困知記讀之始一意程

朱闢程山學舍於城西名其堂曰尊雒著大學中庸切

己錄發明張子主敬之旨以爲爲學之本畏天命一言

蓋之矣學者以此爲心法注目傾耳一念之私醒懺刻
責無犯帝天之怒其程山十則亦以躬行實踐爲主惟
易張子而銘之名曰事天讀以示尊崇不免自我作古
提要程山講時寧郡易堂九子節行文章爲海內所重
義二林居集程山七子亦以節概名而文游獨反已閤修務求自
得程山宋之盛過訪文游文游遂邀易堂魏禧彭任曾
程山講學旬餘於是皆推程山謂其篤躬行識道本
居二林南豐甘京與文游爲友已而服之誠也遂師之
魏于康熙二十年卒年六十有七彭任字遜仕又字中
集續叔寧郡人同邑魏禧嘗集同志九人講學於易堂在其

一也著草亭文集其論朱陸異同謂學者之病不在於

辨之不清而在于行之不篤持論頗平四庫提要其在易堂

者有寧都李騰蛟邱維屏南昌彭士望騰蛟字力貞年

最長著周易剩言維屏字邦士著周易勦說士望字躬

養著耻躬堂集其不在易堂者有張貞士字黃山廬陵

人順治十五年進士翰林院庶吉士官內閣學士其學

宗朱子慎獨主敬著庸言二十卷贛州府志及本書序

顧炎武傳張聲吳任臣

顧炎武字寧人初名絳崑山人己未詞科錄鮑琦亭集

村集作長明贊善紹芳孫顧氏譜年十四為諸生崑山縣志

顧氏譜系考

少耿介紀俗不與人苟同惟其同里歸莊相善

相傳有歸奇顧怪之目

朱彝尊靜志居詩話歸奇亭集

其論學以博學

有恥爲先嘗與友人論學云百餘年來之爲學者往往言心言性而茫然不得其解也命與仁夫子所罕言性與天道予直所未得聞性命之理著之易傳未嘗數以語人其答問士則曰行已有恥其爲學則曰好古敦求其與門弟子言但曰允執厥中四海困窮天祿永終其告哀公明善之功先之以博學顏子幾於聖人猶曰博我以文自曾子而下篤實無若子夏言仁則曰博學而篤志切問而近思入之君子則不然聚賓客門人數十

百人與之言心言性舍多學而識以求一貫之方置四海之困窮不言而譁危微精一是必其道高於夫子而其弟子之賢於子貢也我弗敢知也孟子一書言心言性亦諄諄矣乃至萬章公孫丑陳代陳臻周霄彭更之所問與孟子之所答常在乎出處去就辭受取與之間是故性也命也天也夫子之所罕言而今之君子之所恒言也出處去就辭受取予之辨孔子孟子之所恒言而今之君子所罕言也愚所謂聖人之道者如之何曰博學於文日行已有恥自一身以至于天下國家皆學之事也自子臣弟友以至出入往來辭受取與之間皆

有恥之事也士而不先言恥則爲無本之人非好古多

聞則爲空虛之學以無本之人而講空虛之學吾見其

日從事於聖人而去之彌遠也

亭林文集

又曰今之理學禪

學也不取之五經論語而但資之語錄不知本矣

本集與施

其論其論文非有關於經旨世務者皆謂之巧言不以

指筆

亭林本集

故炎武之學大抵主于斂華就實救弊扶衰

凡國家典制郡邑掌故天文儀象河漕兵農之屬

莫不窮究原委考正得失而又廣交賢豪長者虛

懷商榷不自滿假勦作廣師篇云學究天人確乎不拔

吾不如王錫闢讀書爲己深蹟洞微吾不如楊雪臣獨

精三禮卓然經師吾不知張爾岐蕭然物外自得天機
吾不如傅山堅苦力學無師而成吾不如李容險阻備
嘗與時屈伸吾不如路安卿博聞強記羣書之府吾不
如吳任臣文章爾雅宅心和厚吾不如朱彝尊好學不
倦篤於朋友吾不如王宏撰精心六書信而好古吾不
如張昭至於達而在位其可稱述者亦多有之然非布
衣之所得讓也

亭林文集

炎武生平精力絕人自少至老無

一刻離書

縣志

國朝稱學有根柢者以炎武爲最提炎武撰天下郡國
利病書百二十卷歷覽諸史圖經實錄文編說部之類

取其關於民生利病者且周流西北歷二十年其書始
成別有鑒或志一編則考索利病之合圖經而成者炎
武精韻學韻增撰音論三卷言古韻者自明陳第雖創
闢榛蕪猶未遽密至炎武乃推尋經傳探討本原又詩
本音十卷其書主陳第詩無協韻之說不與吳棫補音
爭亦全不用械之例但卽本經之韻互考且證以他書
明古音原作是讀非由遷就故曰本音又易音三卷卽
周易以求古音考證精確又唐韻正二十卷韻補正一
卷古音表二卷韻補皆能追復三代以來之音分部正帙
而知其變自吳才老而下廓如也炎武又撰金石文字

記求古錄與經史相證歐趙洪王不及其精結奇亭集而日

知錄三十卷尤爲炎武終身精詣之結奇亭集書集盡積三十

餘年而後成要凡經史吏治財賦典刑藝文之類皆疏

通考證之潘耒本書序片災武又以杜預左傳集解時有闕失

作杜解補正三卷其他著作有石經考一卷九經誤字

一卷並提二十一史年表八十卷歷代帝王宅京記二

十卷亭林文集六卷詩集五卷營平二州地名記一卷

昌平山水記一卷山東考古錄一卷京東考古錄一卷

讀觚一卷菰中隨筆一卷救文格論一卷等書已未詞

要府並有補於學術世道縣志初災武嗣母王氏未嫁守

節嘗斷指療姑

見本集與葉訢菴及史館諸君書

於崇禎十年被旌

及聞帝亡不食卒誠炎武勿出仕福王時崑山令楊永

言方薦炎武爲兵部司務旋以職方郎召未赴旣葬母

遂出游歷遭艱險

結埼集

所至之地以二騾二馬載書過

邊塞寧障呼老卒詢曲折有與平日所聞不合卽於坊

肆中發書對勘或平原大墅則於鞍上默誦諸經注疏

在華陰與王宏撰等於雲臺觀側建朱子祠

縣志

康熙間

詔舉博學鴻儒科又修明史大臣爭薦之並辭未赴康

熙二十一年卒於華陰年六十九無子門人以其喪歸

葬崑山吳江潘耒敘其遺書行於世

亭林集年譜歸櫛亭集

張昭

字力臣山陽人精六書貧而嗜古暇書尤究心金石後

以龔廢而考證彌勤提顧炎武音學五書乃昭所寫定

見本吳任臣字志伊仁和人已未詞志行端慤魏叔博

聞強記亭林兼精天官樂律今世康熙已未

詔徵博學鴻儒授檢討已未詞撰十國春秋一百十四

卷廣搜博引可稱淹貫要又撰山海經廣注提字彙補

凡例周禮大義要通春秋正朔考辨詁周詩文集諸

書